



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.59. Michael deponitur. Leo Armenus Imperator.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæculum IX. pinione vilia maximi faciebant, utique
A. C. 813. aptissima ad conservandam humilitatem
 & ad vitæ necessaria comparanda, quin
 Monachi inopia premente sæpe exire co-
 gerentur, quod pietatem minuit, & Spi-
 ritus stabilitatem evertit. Hinc in ipso
 Monasterio ad omnes artes incumbebant.
 Inerant Cæmentarii, Tignarii, Ferrarii,
 Textores, Sutores, Restiarii, qui mani-
 bus laborantes Hymnos Psalmsque can-
 tabant, ita ut sæcularium animi seduli-
 tatem & modestiam eorum conspicien-
 tium ad cœlestia erigerentur. Cuncti
 Monachorum Studiensium Disciplinam
 laudabant. Multi autem eorum perfe-
 ctionibus aut quacunque demum oc-
 casione dispersi fundarunt Monasteria,
 quæ a Studiensi & Nomen & Disciplinæ
 perfectionem acceperunt.

§. LIX.

*Michael deponitur. Leo Armenus
 Imperator.*

Theoph. p.
425.

Eodem anno octingentesimo decimo
 tertio Michael Imperatore bellum in
 Bulgaros movente, & populo Constanti-
 nopolitano ad Ecclesiam Apostolorum
 inter preces publicas cum Nicephoro Pa-
 triarcha procedente Iconoclastæ & Pau-
 liciani, in tanta hominum multitudine
 laten-

latentes, januam Sepulchri Imperatorum, Sæculum IX.
A. C. 813.
qui in hac Ecclesia jacebant, nemine ad fraudem advertente, admotis vectibus emoverunt, effeceruntque, ut repente & ingenti strepitu aperiretur, quo omnes crederent, rem non sine miraculo fieri. Tum promptissime intrantes coram sarcophago Constantini Copronymi prostrati eum invocare: *Surge, & imperium ab interitu vindica.* Mox in vulgus sparserunt, eundem a multis conspectum fuisse equo vectum exire, contra Bulgarios pugnaturum. A Præfecto Civitatis Constantinopolitanæ comprehensi primo dixerunt, januam illam nemine manum admovente fuisse reclusam; sed in judicio interrogati dolum confessi sunt, priusquam id tormenta exprimerent. Hos Præfectus vectibus tundi & per urbem circumduci jussit, imaginum Cultum & Monachorum Institutum execrantes, cum eos potius crimen suum abominari oportuisset.

Eodem mense Junio die vigesima secunda cum Romani † prope Adrianopolim in conspectu hostium starent, tanta † Græci
vecordia in fugam effunduntur, ut Crumnus Bulgarorum Rex dolum & insidias suspicaretur. Michael Imperator juxta ceteros tergum vertit & Constantinopolim

Sæculum IX. A. C. 813. lim contendens tum milites, tum Duces
 furiis omnibus devovebat, cum juramen-
 ti fide sæpe affirmans, imperium se ab-
 dicaturum. Hujus consilii ab ira & in-
 dignatione suggesti Leonem Patricium
 Natoliæ Præfectum, Successorem deinde
 suum, conscium fecit, qui primo quidem
 supremam Dignitatem recusavit; cum
 vero a comilitonibus & copiarum Ducibus
 dignissimus proelamaretur, consen-
 sit, datisque ad Patriarcham litteris, se
 fidem sequi Orthodoxam professus est,
 ipsiusque suffragium petiit. Tunc pu-
 blice Imperator salutatur ab omnibus.
 Quo comperto Michael cum uxore Pro-
 copia & liberis ad Ecclesiam confugit,
 ibique omnes abscissis capillis habitum
 Monasticum induunt, postquam regnas-
 set Michael annum unum & menses
 novem. Postera die undecima Julii In-
 dictione sexta nempe anno octingente-
 simo decimo tertio Leo a Nicephoro Pa-
 triarcha in suggestu magnæ Ecclesiæ Im-
 perator coronatur. Is patre natus erat
 Barda Patricio & origine Armeno, un-
 de nomen hæsit. Nihil eorum, quæ ad
 Civitatem Constantinopolitanam defen-
 dendam necessaria erant, omisit; hinc
 Bulgarorum Rex usque ad portas perve-
 niens eam obsidere non est ausus. Cum
 vero ad colloquium invitatus exploras-
 set,

set, sub amicitiae specie insidias latere & Leonem sibi necem machinari, perfidiae furiose indignans recessit, Ecclesias incendit, totam illam regionem, quae usque Adrianopolim protenditur vastavit, ipsamque urbem obsedit & cepit.

Incolas omnes captivos in Bulgariam abstraxit Crumnus, atque inter alios Manuelem Archiepiscopum, qui exilii tempus in lucrum animarum impendens, a fratribus captivis adjutus permultos Bulgaros ad fidem Christianam convertit. Verum Crumno Rege sublato ejus Successor Christiana Sacra perosus Archiepiscopum Manuelem, prius manibus ab humeris amputatis, mox per medium gladio dissectum feris devorandum projecit. Georgium Archiepiscopum Deboltenum, aliumque Episcopum nomine Petrum prius crudelissime dilaniatos securi percuti jussit. Leonem Episcopum Nicenum fisso ventre interfici & Presbyterum Parode lapidibus obrui imperavit. Ipso mandante Leo & Joannes Tribuni, atque etiam Gabriel & Sionius capite truncati. Trecenti septuaginta septem Christiani in hac persecutione, quod Fidem Christianam abjicere noluerint, interempti traduntur, quos Ecclesia Graeca omnes velut Martyres

Sæculum IX. vigesima secunda Januarii solito honore
A.C. 813. prosequitur.

§. LX.

S. Theophanis initia.

*Holl. 12.
Mart. to. 7.
p. 213.*

Hic, videlicet, Leone coronato & capta Adrianopoli Civitate Theophanes Historiæ suæ finem imposuit, qui Constantinopoli parentibus piissimis & opulentis natus erat. Patre ipsius, tempore quo præfecturam Archipelagi gerebat, fatis functo, mater pueri curam sola suscepit, & vix duodennem compulit, ut puellæ prædiviti matrimonium promitteret. Theodora quoque defuncta, cum Theophanes amplissimi patrimonii Dominus esset, instante socero nuptias quidem celebravit, sed persuasit sponsæ, ut ad servandam in conjugio continentiam consentiret, quippe Theophanes cujusdam familiaris sui hortatu excitatus dudum vitæ Monasticæ desiderio tenebatur. Porro re ista offensus socer (nam viro sagacissimo suboleverat Theophanis propositum) Leonem Imperatorem, Copronymi filium, adiit, & in suam facile pertraxit sententiam. Is ut juvenem ab amore solitudinis Monasticæ abstraheret, Cyzicum misit, jussitque illam Civitatem vallis & propugnaculis munire